

Ո Ր Ո Շ ՈՒ Մ թիվ-316
Վարչական տույժ նշանակելու մասին

«04» դեկտեմբերի 2020թ.

ք. Երևան

ՀՀ պետական եկամուտների կոմիտեի իրավաբանական վարչության պետ Արման Մնացականյանս, քննելով Բեհրուզ Նամդարի Փարսեհի վերաբերյալ նյութերը.

Պ Ա Ր Զ Ե Ց Ի՝

2020 թվականի հոկտեմբերի 05-ին ՀՀ ՊԵԿ ՄԴՊ վարչության աշխատակիցները Մեղրիի մաքսային կետ-բաժնի տարածքում իրականացված մաքսային հսկողության արդյունքում զննության են ենթարկել ՀՀ-ից ԻԻՀ մեկնող, ԻԻՀ քաղաքացի Բեհրուզ Նամդարի Փարսեհի կողմից շահագործվող «Mercedes-Benz» մակնիշի, SY833YS հաշվառման համարանիշի ավտոմեքենան և մեքենայի նստատեղի վրայից հայտնաբերել, առանց հայտարարագրման ՀՀ մաքսային սահմանով տեղափոխվող 5 հատ «Kingston» գրառմամբ՝ յուրաքանչյուրը 8 գբ տարողությամբ, և 5 հատ «Staubli» գրառմամբ՝ յուրաքանչյուրը 2 գբ տարողությամբ, էլեկտրոնային կրիչներ:

Փաստի առթիվ Բեհրուզ Փարսեհի նկատմամբ կազմվել է ՀՀ մաքսային օրենսգրքի 203-րդ հոդվածի հատկանիշներով մաքսային կանոնների խախտման վերաբերյալ արձանագրություն, իսկ հիշյալ 5 հատ 8 գբ տարողությամբ, և 5 հատ «Staubli» գրառմամբ՝ յուրաքանչյուրը 2 գբ տարողությամբ, էլեկտրոնային կրիչները վերցվել են և կազմված նյութերով ուղարկվել ՀՀ ԱԱԾ:

Պարզելու համար, թե Բեհրուզ Փարսեհի կողմից 5 հատ «Kingston» գրառմամբ՝ յուրաքանչյուրը 8 գբ տարողությամբ, և 5 հատ «Staubli» գրառմամբ՝ յուրաքանչյուրը 2 գբ տարողությամբ, էլեկտրոնային կրիչները ՀՀ-ից արտահանելու դեպքում ենթակա էին հայտարարագրման, թե՛ ոչ, հարցում է կատարվել ՀՀ ՊԵԿ մաքսային հսկողության վարչություն, որտեղից ստացված պատասխանի համաձայն՝ Եվրասիական տնտեսական հանձնաժողովի կոլեգիայի 21.04.2015թ «Ոչ սակագնային կարգավորման մասին» թիվ 30 որոշմամբ (այսուհետ՝ Որոշում) սահմանված են մաքսային սահմանով փոխադրվող արգելված և սահմանափակումների ենթակա ապրանքների միասնական ցանկերն ու ԵԱՏՄ մաքսային սահմանով տեղափոխելիս սահմանափակումների ենթակա ապրանքների տեղափոխման կարգերը:

«KINGSTON»՝ 8 GB և «STAUBLI»՝ 2GB գրառումներով էլեկտրոնային կրիչները դասակարգվում են ԵԱՏՄ ԱՏԳ ԱԱ 8523 ապրանքային դիրքում և ընդգրկված են Որոշմամբ սահմանված 1.3 (տեղեկատվություն տպագիր, աուդիովիզուալ և տեղեկատվության այլ կրիչների վրա, որոնց ներմուծումը Եվրասիական տնտեսական միության մաքսային տարածք, արտահանումը Եվրասիական տնտեսական միության մաքսային տարածքից և տարանցումը Եվրասիական տնտեսական միության մաքսային տարածքով արգելված են), 2.17 (հատուկ տեխնիկական միջոցներ՝ նախատեսված գաղտնի տեղեկատվության ստացման համար, որոնց ներմուծումը Եվրասիական տնտեսական միության մաքսային տարածք և արտահանումը Եվրասիական տնտեսական միության մաքսային տարածքից սահմանափակ է և 2.19 (ծածկագրային (կրիպտոգրաֆիկական) միջոցներ, որոնց ներմուծումը Եվրասիական տնտեսական միության մաքսային տարածք և արտահանումը Եվրասիական տնտեսական միության մաքսային տարածքից սահմանափակ է) բաժիններում:

ԵԱՏՄ մաքսային սահմանով՝ ֆիզիկական անձանց կողմից անձնական օգտագործման ապրանքների տեղաշարժի դեպքում անհրաժեշտ է առաջնորդվել Եվրասիական տնտեսական հանձնաժողովի 20.12.2017թ. «Անձնական օգտագործման ապրանքների հետ կապված առանձին հարցերի մասին» թիվ 107 որոշման պահանջներով, որի 6-րդ հավելվածով սահմանված է անձնական օգտագործման ապրանքներին չդասվող ապրանքների կատեգորիաների ցանկը, որում էլ ներառված չեն ԵԱՏՄ ԱՏԳ ԱԱ 8523 ապրանքային դիրքում դասակարգված՝ «KINGSTON»՝ 8 GB և «STAUBLI»՝ 2GB գրառումներով էլեկտրոնային կրիչները:

Միաժամանակ տեղեկացվել է, որ ԵԱՏՄ մաքսային օրենսգրքի (այսուհետ՝ Օրենսգիրք) 260-րդ հոդվածի 1-ին կետի 2-րդ ենթակետի համաձայն՝ մաքսային հայտարարագրման ենթակա են ցանկացած եղանակով միության մաքսային սահմանով տեղափոխվող անձնական օգտագործման այն ապրանքները, բացառությամբ անձնական օգտագործման տրանսպորտային միջոցների, որոնց հետ կապված, պահպանվում են արգելքներն ու սահմանափակումները՝ Օրենսգրքի 7-րդ հոդվածին համապատասխան, եւ պահանջվում է ներկայացնել այդ արգելքների եւ սահմանափակումների պահպանումը հաստատող փաստաթղթեր եւ (կամ) տեղեկություններ:

ԵԱՏՄ մաքսային օրենսգրքի 104-րդ հոդվածի համաձայն՝ ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով:

ԵԱՏՄ մաքսային օրենսգրքի 260-րդ հոդվածի 1-րդ մասի 2-րդ ենթակետի համաձայն՝ մաքսային հայտարարագրման ենթակա են ցանկացած եղանակով միության մաքսային սահմանով տեղափոխվող անձնական օգտագործման այն ապրանքները, բացառությամբ անձնական օգտագործման տրանսպորտային միջոցների, որոնց հետ կապված, պահպանվում են արգելքներն ու սահմանափակումները:

ԵԱՏՄ մաքսային օրենսգրքի 2-րդ հոդվածի 10-րդ կետի համաձայն՝ «արգելքներն ու սահմանափակումներն»՝ Միության մաքսային սահմանով տեղափոխվող ապրանքների նկատմամբ կիրառվող ոչ սակագնային կարգավորման միջոցներ են:

«Եվրասիական տնտեսական միության մասին» պայմանագրի 46-րդ հոդվածով սահմանված են ոչ սակագնային կարգավորման միջոցները, այն է. «Երրորդ երկրների հետ առևտրում Միության կողմից ընդունվում են ոչ սակագնային կարգավորման հետևյալ միջոցները՝ 1) ապրանքների ներմուծման և (կամ) արտահանման արգելք, 2) ապրանքների ներմուծման և (կամ) արտահանման քանակական սահմանափակումներ, 3) ապրանքների ներմուծման և (կամ) արտահանման բացառիկ իրավունք, 4) ապրանքների ներմուծման և (կամ) արտահանման ավտոմատ լիցենզավորում (հսկում), 5) ապրանքների ներմուծման և (կամ) արտահանման թույլատրական կարգ»:

ԵԱՏՄ մաքսային օրենսգրքի 260-րդ հոդվածի 14-րդ կետի 1-ին մասի համաձայն՝ որպես անձնական օգտագործման ապրանքների հայտարարատուներ կարող են հանդես գալ 16 տարին լրացած՝ անդամ պետությունների ֆիզիկական անձինք կամ օտարերկրյա ֆիզիկական անձինք, որոնք Միության մաքսային սահմանը հատելու պահին Միության մաքսային սահմանով ուղեկցվող ուղեբեռում տեղափոխվող անձնական օգտագործման ապրանքների նկատմամբ ունեն տիրապետման, օգտագործման եւ (կամ) տնօրինման

իրավունք: Օրենսգրքի 84-րդ հոդվածի համաձայն՝ հայտարարատուն պարտավոր է կատարել ապրանքների մաքսային հայտարարագրում: Նույն հոդված 3-րդ մասի համաձայն՝ հայտարարատուն, անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ ներկայացնելու, ինչպես նաև մաքսային ներկայացուցչին անվավեր, այդ թվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար:

ՀՀ մաքսային օրենսգրքի 189-րդ հոդվածի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 203-րդ հոդվածի 1-ին մասի 1-ին պարբերության համաձայն՝ Հայաստանի Հանրապետության մաքսային սահմանով տեղափոխվող ապրանքները և տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրման ժամանակ ոչ ճշգրիտ տեղեկություններ նշելը, որի արդյունքում չի առաջանում մաքսային վճարների (բացառությամբ մաքսավճարի) պակաս հաշվարկում կամ չհաշվարկում, ինչպես նաև ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է տուգանքի նշանակում՝ 50 հազար դրամի չափով:

ՀՀ մաքսային օրենսգրքի 219-րդ հոդվածի համաձայն՝ մաքսային կանոնների խախտման վերաբերյալ գործը քննվում է վարչական պատասխանատվության ենթարկվող անձի մասնակցությամբ: Գործը կարող է քննվել նաև տվյալ անձի բացակայության դեպքում, եթե քննության տեղի ու ժամանակի մասին սահմանված կարգով նրան տեղյակ է պահվել, սակայն վերջինիս կողմից որևէ միջնորդություն չի հարուցվել, կամ եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության սահմաններից դուրս:

Բեիրուզ Փարսեհը 2020 թվականի դեկտեմբերի 04-ին հրավիրվել է ՀՀ ՊԵԿ իրավաբանական վարչություն՝ իր նկատմամբ ՀՀ մաքսային օրենսգրքի 203-րդ հոդվածի հատկանիշներով սկսված վարչական գործի քննությանը մասնակցելու համար և միաժամանակ նախազգուշացվել, որ համաձայն ՀՀ մաքսային օրենսգրքի 219-րդ հոդվածի՝ չներկայանալու դեպքում վարչական գործի քննությունը կիրականացվի առանց իր մասնակցության, սակայն վերջինս չի ներկայացել:

Համաձայն ՀՀ ՊԵԿ ներքին անվտանգության վարչությունից ստացված ՍԷԿՏ համակարգում առկա տեղակատվության Բեիրուզ Փարսեհը 05.10.2020թ.-29.11.2020թ. բազմիցս հատել է ՀՀ սահմանը և 29.11.2020թ.-ից. գտնվել է ՀՀ-ում, սակայն հայտնի չէ նրա գտնվելու վայրը:

Այսպիսով, նյութերով պարզվել է, որ 2020 թվականի հոկտեմբերի 05-ին ԻԻՀ քաղաքացի Բեհրուզ Փարսեհը, առանց հայտարարագրման, ՀՀ մաքսային սահմանով տեղափոխել է 5 հատ «Kingston» գրառմամբ՝ յուրաքանչյուրը 8 գբ տարողությամբ, և 5 հատ «Staubli» գրառմամբ՝ յուրաքանչյուրը 2 գբ տարողությամբ, էլեկտրոնային կրիչներ, այսինքն՝ թույլ է տվել ՀՀ մաքսային օրենսգրքի 203-րդ հոդվածի 1-ին մասի 1-ին պարբերությամբ նախատեսված մաքսային կանոնների խախտում, ինչը հիմնավորվում է մաքսային կանոնների խախտման վերաբերյալ կազմված արձանագրությամբ, մաքսային զննման (տեսազննման) 05.10.2020թ. թիվ 05102020Ս/302020 ակտով:


Վերոգրյալի հիման վրա և ղեկավարվելով ՀՀ մաքսային օրենսգրքի 203-րդ հոդվածի 1-ին մասի 1-ին պարբերությամբ, 206-րդ և 221-րդ հոդվածներով,

Ո Ր Ո Շ Ե Ց Ի՝

1. Բեհրուզ Նամդարի Փարսեհին (ծնված՝ 22.03.1982թ., ԻԻՀ քաղաքացի, քնակվող՝ ՀՀ, ք. Երևան, Հանրապետության փող., շ. 24, բն. 13, անձնագրի համարը՝ B96118381) ճանաչել զանցառու ՀՀ մաքսային օրենսգրքի 203-րդ հոդվածի 1-ին մասի 1-ին պարբերությամբ և նրան տուգանել 50000 ՀՀ դրամ /վճարումը 900005024055 (կող-19) հաշվեհամարին/:

2. Որոշման մասին հայտնել ՀՀ Զարեհեսկիկանդին՝ պարզաբանելով, որ ՀՀ Մաքսային օրենսգրքի 221-րդ հոդվածի 2-րդ մասի համաձայն՝ որոշումն ուժի մեջ է մտնում կայացման պահից: ՀՀ Մաքսային օրենսգրքի 222-րդ հոդվածի համաձայն՝ որոշումը կարող է բողոքարկվել վերադաս մաքսային մարմին՝ դա կայացնելուց հետո 10 օրվա ընթացքում կամ ՀՀ Վարչական դատարան երկու ամսվա ընթացքում:

ԻՐԱՎԱԲԱՆԱԿԱՆ
ՎԱՐՉՈՒԹՅԱՆ ՊԵՏ



ԱՐՄԱՆ ՄՆԱՑԱԿԱՆՅԱՆ